


Broj: 03-017-1350/2017
Dana, 13.09.2017. godine

BOSNA I HERCEGOVINA
FEDERACIJA BOSNE I HERCEGOVINE
UNSKO-SANSKI KANTON
SKUPŠTINA UNSKO-SANSKOG KANTONA



SKUPŠTINA UNSKO-SANSKOG KANTONA

PREDMET: Prijedlog Odluke o osnivanju Turističke zajednice
Unsko-sanskog kantona, dostavlja se;


Na osnovu člana 93. i 95. Poslovnika Skupštine Unsko-sanskog kantona („Službeni glasnik Unsko-sanskog kantona“, broj: 9/17), u prilogu vam dostavljamo prijedlog Odluke o osnivanju Turističke zajednice Unsko-sanskog kantona, uz sljedeće:

Obrazloženje


Vlada Unsko-sanskog kantona je na sjednici održanoj dana 13.09.2017.godine, razmatrala i utvrdila Prijedlog Odluke o osnivanju Turističke zajednice Unsko-sanskog kantona, obrađivača Ministarstva privrede, te vam istu dostavljamo u daljnju proceduru.

PRILOG: - Prijedlog Odluke ... (6x)

PREMIJER KANTONA
mr.sc. Husein Rošić



BOSNA I HERCEGOVINA
FEDERACIJA BOSNE I HERCEGOVINE
UNSKO-SANSKI KANTON
VLADA UNSKO-SANSKOG KANTONA



BOSNIA AND HERZEGOVINA
FEDERATION OF BOSNIA AND HERZEGOVINA
THE UNA-SANA CANTON
UNA-SANA CANTON GOVERNMENT

Na osnovu člana 16. Zakona o Vladi Unsko-sanskog kantona („Službeni glasnik Unsko-sanskog kantona”, broj: 5/08), člana 64. stav (4) Zakona o turizmu Unsko-sanskog kantona („Službeni glasnik Unsko-sanskog kantona“, broj:8/17), na prijedlog Ministarstva privrede, Vlada Unsko-sanskog kantona, na sjednici održanoj 13.09.2017.godine, d o n o s i:

ZAKLJUČAK

I


Utvrđuje se Prijedlog Odluke o osnivanju Turističke zajednice Unsko-sanskog kantona, te se upućuje Skupštini Unsko-sanskog kantona na razmatranje.

II

Ovaj Zaključak stupa na snagu danom donošenja.

Broj: 03-017-1350/2017
Bihać, 13.09.2017. godine

PREMIJER KANTONA
mr. sci. Husein Rošić



Bosna i Hercegovina
Federacija Bosne i Hercegovine
Unsko-sanski kanton
VLADA

ODLUKA
O OSNIVANJU TURISTIČKE ZAJEDNICE
UNSKO-SANSKOG KANTONA

(PRIJEDLOG)

Nosilac izrade:
Ministarstvo privrede

Bihać, august 2017. godine

Na osnovu člana 11. tačka n) odjeljak A poglavlje V, člana 2. tačka k) i člana 3. tačka g) poglavlja IV Ustava Unsko-sanskog kantona - prečišćeni tekst ("Službeni glasnik Unsko-sanskog kantona", broj: 01/04 i 11/04), a u vezi sa članom 64. stav (4) Zakona o turizmu Unsko-sanskog kantona ("Službeni glasnik Unsko-sanskog kantona", broj: 8/17), te članom 3. Zakona o ustanovama („Službeni list RBiH“ broj: 6/92, 8/93 i 13/94), Skupština Unsko-sanskog kantona, na sjednici održanoj dana ____godine, donosi

Prijedlog

ODLUKU
O OSNIVANJU JAVNE USTANOVE "TURISTIČKA ZAJEDNICA
UNSKO-SANSKOG KANTONA" BIHAĆ

POGLAVLJE I. - OSNOVNE ODREDBE

Član 1.
(Predmet Odluke)

Ovom odlukom osniva se Javna ustanova "Turistička zajednica Unsko-sanskog kantona" Bihać (u daljem tekstu: Turistička zajednica) i uređuju pitanja koja se odnose na: naziv osnivača, pravni status, naziv i sjedište, ciljeve i djelatnost, iznos osnovnog kapitala, sredstva i imovinu, prava i obaveze osnivača, način izmirenja troškova osnivanja, imenovanja lica ovlaštenih za vođenje poslovanje i zastupanje Turističke zajednice, prijavu za upis osnivanja Turističke zajednice u sudski registar, trajanje i prestanak Turističke zajednice, postupak izmjena i dopuna ove Odluke i druga pitanja značajna za poslovanje Turističke zajednice.

POGLAVLJE II.- NAZIV OSNIVAČA

Član 2.
(Osnivač Turističke zajednice)

Osnivač Turističke zajednice je Unsko-sanski kanton (u daljem tekstu: Kanton).

POGLAVLJE III.- PRAVNI STATUS

Član 3.
(Pravni status)

- (1) Turistička zajednica ima svojstvo pravnog lica i upisuje se u sudski registar s pravima, obavezama i odgovornostima propisanim Zakonom i ovom Odlukom.
- (2) Turistička zajednica obavljaće javnu službu sa statusom javne ustanove.

POGLAVLJE IV.- NAZIV I SJEDIŠTE

Član 4.
(Naziv Turističke zajednice)

- (1) Turistička zajednica će poslovati pod nazivom:
Javna ustanova „Turistička zajednica Unsko-sanskog kantona“, Bihać.
- (2) Skraćeni naziv Turističke zajednice je: JU "TZ USK" Bihać.

-2-

Član 5.

(Sjedište Turističke zajednice)

Sjedište Turističke zajednice je u Bihaću.

Član 6.

(Pečat i štambilj)

- (1) Turistička zajednica ima pečat i štambilj.
- (2) Pečat Turističke zajednice je okruglog oblika, promjera 50mm (veliki pečat) i 25mm (mali pečat), sa tekstom u koncentričnim krugovima, istovremeno ispisanim latinicom i ćirilicom: „Bosna i Hercegovina, Federacija Bosne i Hercegovine, Unsko-sanski kanton, JU Turistička zajednica Unsko-sanskog kantona, Bihać“. U sredini pečata nalazi se grb Unsko- sanskog kantona.
- (3) Turistička zajednica ima prijemni štambilj pravougaonog oblika koji sadrži identičan tekst kao pečat, a ispod toga su podaci utvrđeni propisima o kancelarijskom poslovanju.
- (4) Druga pitanja koja se odnose na izgled, broj, upotrebu i čuvanje pečata i štambilja Turističke zajednice uređuju se Statutom Turističke zajednice i aktima direktora Turističke zajednice.

Član 7.

(Organizacija,način rada, prava i obaveze zaposlenih)

- (1) Pitanja u vezi sa organizacijom, načinom rada i funkcioniranjem Turističke zajednice uređuju se Statutom Turističke zajednice,te u skladu sa propisima koji se odnose na rad javne ustanove.
- (2) U pogledu prava, obaveza i odgovornosti zaposlenih u Turističkoj zajednici primjenjuju se propisi koji regulišu oblast radnih odnosa.

POGLAVLJE V. – CILJEVI I DJELATNOST TURISTIČKE ZAJEDNICE

Član 8.

(Ciljevi osnivanja Turističke zajednice)

- (1) Turistička zajednica se osniva radi razvoja turizma, unapređenja turizma i promocije turizma na području Kantona u cjelini i privrednih interesa pravnih i fizičkih lica koja pružaju ugostiteljske i druge turističke usluge ili obavljaju drugu djelatnost neposredno povezanu s turizmom.
- (2) Ciljevi osnivanja Turističke zajednice su:
 - a) unapređenje općih uslova boravka turista kroz formiranje cjelovite turističke ponude, podizanje kvaliteta turističkih i drugih komplementarnih usluga, očuvanje i stvaranje prepoznatljivog i privlačnog turističkog ambijenta Kantona;
 - b) razvijanje svijesti o važnosti turizma, kao i privrednim, društvenim i drugim efektima turizma, o potrebi i važnosti očuvanja i unapređenja svih elemenata turističkog proizvoda, a posebno zaštite životne sredine;
 - c) podsticanje razvoja turističke infrastrukture i pružanja informacija turistima;
 - d) promocija turističkog proizvoda u Kantonu.

Član 9.

(Djelatnost Turističke zajednice)

(1) U skladu sa standardnom klasifikacijom djelatnosti u Bosni i Hercegovini, djelatnost Turističke zajednice je:

75.117 Djelatnost ostalih općih javnih službi

75.134 Regulisanje i doprinos uspješnijem poslovanju privrede na nivou Kantona ili regije.

(2) Djelatnost Turističke zajednice zasniva se na načelu ostvarivanja javnog interesa u oblasti turizma, čiji je osnovni cilj promocija turizma na području Kantona, bez ostvarivanja neposredne dobiti.

(3) Izuzetno od stava (2) ovog člana, Turistička zajednica može da:

- a) organizira manifestacije i priredbe,
- b) objavljuje turističke komercijalne oglase u oglasnim medijima,
- c) prodaje suvenire, ulaznice, turističke karte i brošure, osim sopstvenog promotivnog materijala,
- d) obavlja i druge poslove od javnog interesa koji su u funkciji razvoja turizma i koji nisu u suprotnosti sa Zakonom o turizmu Unsko-sanskog kantona (u daljem tekstu: Zakon) i drugim propisima.

Član 10.

(Obaveze u pravnom prometu)

U okviru registrirane djelatnosti, Turistička zajednica ima sva prava i obaveze u pravnom prometu koja pripadaju pravnom licu s ograničenom odgovornošću.

POGLAVLJE VI.- OSNOVNI KAPITAL

Član 11.

(Osnovni kapital)

Osnovni kapital Turističke zajednice čini ulog u novcu, u iznosu od 2.000,00 (slovima: dvijehiljade) KM, koji će osnivač uplatiti na poseban račun prije podnošenja prijave za upis u sudski registar.

POGLAVLJE VII. – SREDSTVA I IMOVINA TURISTIČKE ZAJEDNICE

Član 12.

(Sredstva i imovina)

- (1) Sredstva Turističke zajednice čine stvari, prava i novac.
- (2) Imovinu Turističke zajednice čine vlastita sredstva, odnosno skup imovinskih prava koje Turistička zajednica ima.
- (3) Nakon izvršene revizije finansijskog poslovanja dosadašnje Turističke zajednice za čije je osnivanje je Vlada Unsko-sanskog Kantona dala saglasnost za pokretanje inicijative za osnivanje Turističke zajednice Unsko-sanskog kantona broj: 03-017-142/97 od 12.03.1997.godine, novoosnovana JU "Turistička zajednica Unsko-kantona" Bihać preuzeće sredstva rada, te prava i obaveze Turističke zajednice koja prestaje sa radom.

- (4) Sredstva za rad Turističke zajednice osiguravaju se :
- iz Budžeta osnivača,
 - preraspodjelom boravišne takse,
 - od prihoda od obavljanja privrednih djelatnosti iz člana 13. stav (2) Zakona,
 - od prihodi po osnovu učešća u posebnim domaćim i međunarodnim programima suradnje,
 - od donacija,
 - od kreditnih zaduženja uz prethodnu saglasnost osnivača,
 - od prihoda iz drugih izvora.
- (5) Pored izvora prihoda navedenih u stavu (4) ovog člana, poslovanje ili pojedine aktivnosti Turističke zajednice mogu se financirati i dodatnim sredstvima koja osiguravaju druge zainteresirane organizacije.

Član 13.
(Višak prihoda)

- Višak prihoda nad rashodima Turistička zajednica koristi za obnavljanje, unaprjeđivanje i razvoj svoje djelatnosti, uz saglasnost osnivača.
- Turistička zajednica je neprofitno pravno lice.

Član 14.
(Poslovne knjige, periodični i godišnji izvještaji)

Turistička zajednica vodi poslovne knjige i sačinjava periodične i godišnje obračune i izvještaje, u skladu sa Zakonom i drugim propisima.

POGLAVLJE VIII.- PRAVA I OBAVEZE TURISTIČKE ZAJEDNICE I OSNIVAČA

Član 15.
(Nastupanje u pravnom prometu)

Turistička zajednica u pravnom prometu nastupa samostalno, neograničeno, u svoje ime i za svoj račun, a može nastupati i u tuđe ime i za tuđi račun, kao i u svoje ime a za tuđi račun, u skladu sa Zakonom i posebnim ugovorom.

Član 16.
(Obaveze Turističke zajednice i osnivača)

- Turistička zajednica za svoje obaveze odgovara cjelokupnom svojom imovinom – potpuna odgovornost.
- Osnivač za obaveze Turističke zajednice odgovara svojim udjelom, odnosno do visine uloženog osnovnog kapitala.

Član 17.
(Prava Osnivača)

- Osnivač odlučuje o:
 - imenovanju i razrješenju članova Nadzornog odbora,
 - imenovanju i razrješenju direktora.

- (2) Osnivač daje saglasnost na:
 - a) Statut Turističke zajednice,
 - b) godišnji Program rada sa financijskim planom,
 - c) godišnji izvještaj o poslovanju i završni račun,
 - d) korištenje viška prihoda nad rashodima;
- (3) Osnivač odlučuje o drugim pitanjima utvrđenim Statutom Turističke zajednice, u skladu sa Zakonom.

POGLAVLJE IX. - ORGANI TURISTIČKE ZAJEDNICE

Član 18.

(Organi Turističke zajednice)

- (1) Organi Turističke zajednice su: Nadzorni odbor i direktor.
- (2) Članove Nadzornog odbora imenuje i razrješava Vlada Unsko-sanskog kantona (u daljem tekstu: Vlada) na prijedlog Ministarstva.
- (3) Direktora Turističke zajednice imenuje i razrješava Vlada, na prijedlog Nadzornog odbora.

Član 19.

(Mandat članova organa Turističke zajednice)

- (1) Organi Turističke zajednice imenuju se na period od četiri godine, a članovi mogu biti ponovno birani, odnosno imenovani na još jedan mandat.
- (2) U slučaju prestanka mandata člana organa prije isteka vremena na koje je biran, novi član se bira na vrijeme do isteka mandata na koji je izabran prethodnik.
- (3) Pri imenovanju članova Nadzornog odbora iz stava (1) ovog člana vodiće se računa o ravnopravnoj zastupljenosti oba spola.

Član 20.

(Nadzorni odbor Turističke zajednice)

- (1) Nadzorni odbor Turističke zajednice ima tri člana.
- (2) U Nadzorni odbor obavezno se imenuje jedan predstavnik Ministarstva, a ostali članovi imenuju se iz reda naučnih i stručnih lica iz oblasti turizma. Članovi Nadzornog odbora imenuju se javnim konkursom u skladu sa Zakonom o ministarskim, vladinim i drugim imenovanjima u Federaciji BiH.
- (3) Nadzorni odbor iz redova svojih članova bira predsjednika.
- (4) Članovi Nadzornog odbora, pored općih uvjeta propisanih zakonom trebaju ispunjavati i posebne uvjete:
 - a) VSS-VII stepen stručne spreme ili drugi ili treći ciklus Bolonjskog sistema obrazovanja,
 - b) najmanje pet godina radnog iskustva nakon stjecanja VSS.

Član 21.

(Nadležnost Nadzornog odbora)

- (1) Nadzorni odbor:
 - a) donosi statut Turističke zajednice uz saglasnost Vlade Unsko-sanskog kantona

- b) donosi poslovnik o svome radu,
- c) donosi godišnji program rada sa finansijskim planom,
- d) usvaja godišnji izvještaj o poslovanju i završni račun,
- e) donosi pravilnik o radu,
- f) odlučuje o korištenju sredstava u skladu sa zakonom i statutom,
- g) provodi proceduru izbora direktora javnim konkursom u skladu sa Zakonom o ministarskim, vladinim i drugim imenovanjima u Federaciji BiH,
- h) obavlja i druge poslove u skladu sa Zakonom i Statutom.

(2) Akti iz stava (1) tačka a), c) i d), ovog člana donose se uz saglasnost Vlade.

Član 22.

(Direktor Turističke zajednice)

- (1) Direktora Turističke zajednice imenuje Vlada na prijedlog Nadzornog odbora.
- (2) Direktor se imenuje na period od četiri godine, javnim konkursom u skladu sa Zakonom o ministarskim, vladinim i drugim imenovanjima u Federaciji BiH i može biti ponovo imenovan najviše na još jedan mandat.
- (3) Direktor predstavlja i zastupa Turističku zajednicu, organizira i rukovodi radom i poslovanjem Turističke zajednice, donosi Pravilnik o organizaciji i sistematizaciji poslova i radnih zadataka, predlaže akte koje donosi Nadzorni odbor, izvršava odluke Nadzornog odbora i preuzima mjere za njihovo provođenje, stara se o zakonitosti rada, odgovara za korištenje i raspolaganje imovinom i vrši i druge poslove utvrđene Zakonom i Statutom.
- (4) Direktor Turističke zajednice mora da posjeduje :
 - a) VSS-VII stepen stručne spreme ili drugi ili treći ciklus Bolonjskog sistema obrazovanja, ekonomski ili fakultet turizma (smjerovi: upravljanje (menadžment), marketing ili turistički);
 - b) najmanje sedam godina radnog iskustva, od čega najmanje pet godina na rukovodećim poslovima nakon stjecanja VSS;
 - c) aktivno znanje jednog stranog jezika (engleski, njemački, turski, arapski i dr.);
 - d) zapažen profesionalni i naučni doprinos razvoju turističke djelatnosti se posebno vrednuje (objavljeni stručni i naučni radovi).

Član 23.

(Imenovanje na kraći period)

Ako direktor Turističke zajednice nije imenovan u skladu sa Zakonom u roku od 60 dana od dana isteka konkursa, Vlada Unsko-sanskog kantona donosi odluku o imenovanju vršioca dužnosti direktora, najduže na period od šest mjeseci, koji ima sva prava i obaveze direktora.

Član 24.

(Razrješenje prije isteka mandata)

- (1) Vlada Unsko-sanskog kantona može razriješiti direktora i prije isteka mandata na koji je

imenovan, ako:

- a) direktor to lično zahtijeva;
- b) nastane neki od razloga koji prema posebnim propisima ili propisima kojima se uređuje radni odnos dovede do prestanka radnog odnosa;
- c) u svom radu krši propise i opće akte Turističke zajednice, ili ne izvršava odluke Nadzornog odbora, ili postupa suprotno njima;
- e) u drugim slučajevima propisanim Zakonom i Statutom Turističke zajednice.

Član 25.

(Direktor u osnivanju)

Za direktora u osnivanju Turističke zajednice i lice ovlašteno za vođenje poslovanja i zastupanje Turističke zajednice, te prijavu za upis osnivanja Turističke zajednice u sudski registar imenuje se mr. Jasmina Tevšić.

Član 26.

(Nadzor nad radom Turističke zajednice)

- (1) Nadzor nad radom organa upravljanja i rukovođenja Turističke zajednice obavlja Ministarstvo i Kantonalna uprava za inspeksijske poslove.
- (2) Ministarstvo nadzire zakonitost rada, zakonitost akata i stepen izvršenja Programa rada Turističke zajednice.
- (3) U vršenju nadzora Ministarstvo je nadležno da:
 - a) zahtjeva izvještaje i podatke o radu,
 - b) utvrdi stanje izvršavanja poslova, upozori na uočene nepravilnosti i odredi mjere i rokove za njihovo otklanjanje,
 - c) izdaje instrukcije,
 - d) naloži preuzimanje poslova koje smatra potrebnim,
 - e) pokrene postupak za utvrđivanje odgovornosti,
 - f) obavijesti nadležnu inspekciju u skladu sa posebnim zakonom,
 - g) predloži Vladi da preduzme mjere za koje je ovlaštena.
- (4) U slučaju da organi upravljanja i rukovođenja Turističke zajednice postupe suprotno odredbama Zakona, Ministarstvo će uputiti prijedlog Vladi za pokretanje postupka utvrđivanja njihove odgovornosti.
- (5) U vršenju nadzora iz stava (1) ovog člana Ministarstvo je obavezno da Vladi pripremi godišnju informaciju o realizovanim projektima Turističke zajednice koji su finansirani iz sredstava javnih prihoda.

POGLAVLJE X. - PRESTANAK TURISTIČKE ZAJEDNICE

Član 27.

(Trajanje i prestanak Turističke zajednice)

- (1) Turistička zajednica se osniva na neodređeno vrijeme.
- (2) Turistička zajednica prestaje sa radom:
 - a) odlukom osnivača;

- b) ako ne ispunjava Zakonom propisane uvjete za obavljanje djelatnosti;
- c) odlukom nadležnog organa;
- d) u drugim slučajevima predviđenim Zakonom.

POGLAVLJE XI. – OPĆI AKTI TURISTIČKE ZAJEDNICE

Član 28.

(Akti Turističke zajednice)

- (1) Osnovni opći akt Turističke zajednice je Statut Turističke zajednice kojim se uređuju pitanja utvrđena Zakonom i drugim propisima koji se primjenjuju na javne ustanove.
- (2) U Turističkoj zajednici se mogu donositi i drugi opći akti, u skladu sa Zakonom i Statutom Turističke zajednice.
- (3) Izmjene i dopune Statuta i drugih općih akata Turističke zajednice vrše se na način i po postupku utvrđenim za njihovo donošenje

Član 29.

(Statut Turističke zajednice)

- (1) Prava i obaveze Turističke zajednice utvrđuju se Zakonom i Statutom Turističke zajednice.
- (2) Statut Turističke zajednice sadrži odredbe kojima se bliže uređuje:
 - a) naziv i sjedište,
 - b) djelatnosti i zadaci,
 - c) unutrašnja organizacija,
 - d) nadležnost organa upravljanja i drugih organa,
 - e) način odlučivanja i glasanja,
 - f) zastupanje i predstavljanje,
 - g) prava, obaveze i odgovornosti zaposlenih,
 - h) način organizovanja posla,
 - i) imovina, način sticanja imovine i raspolaganju imovinom,
 - j) način ostvarivanja javnosti rada,
 - k) način i postupak donošenja Statuta i drugih općih akata,
 - l) druga pitanja od značaja za poslovanje Turističke zajednice.
- (3) Statut i Odluku o izmjenama i dopunama Statuta usvaja Nadzorni odbor uz prethodnu saglasnost Vlade.
- (4) Ako Turistička zajednica ne donese Statut, odnosno Odluku o izmjenama i dopunama Statuta u roku od mjesec od dana prijema saglasnosti iz stava (3) ovog člana, smatrat će se da saglasnost nije ni data.
- (5) Statut Turističke zajednice i njegove izmjene i dopune objavljuju se u "Službenom glasniku Unsko-sanskog kantona".

POGLAVLJE XII. - PRIJELAZNE I ZAVRŠNE ODREDBE

Član 30.
(Troškovi osnivanja)

Troškove osnivanja Turističke zajednice snosi osnivač.

Član 31.
(Primjena Zakona)

- (1) U roku od 60 dana od dana upisa Turističke zajednice u sudski registar, Vlada Unsko-sanskog Kantona imenovat će Nadzorni odbor Turističke zajednice.
- (2) Nadzorni odbor će u roku od 60 dana imenovati direktora Turističke zajednice, donijeti Statut Turističke zajednice, kao i druga opća akta, te poduzeti mjere neophodne za otpočinjanje s radom Turističke zajednice.
- (3) Na pitanja koja nisu regulisana odredbama ove Odluke shodno se primjenjuju odredbe Zakona o turizmu Unsko-sanskog kantona ("Službeni glasnik Unsko-sanskog kantona", broj: 8/17).
- (4) Funkcije navedene u organima Turističke zajednice odnose se na oba pola.

Član 32
(Izmjene i dopune Odluke)

- (1) Ova Odluka je osnivački akt na osnovu kojeg će se izvršiti upis Turističke zajednice u sudski registar.
- (2) Izmjene i dopune ove Odluke vrši osnivač na način i po postupku utvrđenim za njeno donošenje.

Član 33.
(Prestanak postojanja Turističke zajednice)

- (1) Početkom rada Turističke zajednice Unsko-sanskog kantona, prestaje s radom dosadašnja Turistička zajednica Unsko-sanskog kantona kao samostalna organizacija za čije osnivanje je Vlada Unsko-sanskog Kantona dala saglasnost za pokretanje inicijative za osnivanje Turističke zajednice Unsko-sanskog kantona broj: 03-017-142/97 od 12.03.1997.godine.
- (2) Turistička zajednica Unsko-sanskog kantona nakon izvršene revizije finansijskog poslovanja preuzeće zaposlenike, arhivu i dokumentaciju, sredstva rada kao i prava i obaveze Turističke zajednice koja prestaje sa radom.

Član 34.
(Stupanje na snagu)

- (1) Ova Odluka stupa na snagu narednog dana od dana objavljivanja u "Službenom glasniku Unsko-sanskog kantona", a primjenjivati će se nakon prethodno izvršene revizije poslovanja dosadašnje Turističke zajednice Unsko-sanskog kantona.

Broj:
Bihać.

Predsjedavajući Skupštine
Unsko-sanskog kantona

Prof. Nijaz Hušić